

# 邕寧縣志卷十九

## 垠西莫炳奎星五編纂

### 食貨志六

物產中 果類 竹類 木類 花類

#### (一) 果之屬

梅。

字亦作  
榲桲

樹爲落葉喬木。葉卵形而尖小。邊有鋸齒。先春開花。花白而香。花有單瓣多瓣

二種。惟單瓣花結實。其實小者爲石梅。大者爲水梅。肉厚核小者爲肉梅。生青熟黃。亦

有熟而紅者。肉黏核。味皆酸。可生啖。以鹽漬之曰酸梅。以朱槿花和鹽漬之。使梅變赤

色曰紅梅。壓扁曝乾。以甘草製之曰甘草梅。或取其青者。先以石灰水泡一夜。保留其色

。且使肉脆。翌日取出滌淨。再以糖製之曰青梅。俱供食品。木材堅緻牢實。以作器皿。

價頗昂貴。

李。狀畧似梅。惟實味甜。亦有澀苦者。有珍珠李。麥黃李。苦李。郁李。紅李。素門李

各種。以紅李爲最多。味亦較美。

桃。狀畧似李。惟幹遇雨或出膠脂。花色紅而艷。實大如茶杯。有胭脂桃。鶯嘴桃。冷飯

桃。櫻桃。四月桃。七月桃。響桃。各種。響桃肉不黏核。味最美。或取未熟者。以鹽漬

之。味亦佳。又有一種山桃。生山中。花淺紅。實至七八月方可食。味亦劣。

橄欖 常綠喬木。春花秋實。葉爲羽狀。複葉。花攢簇成總狀。果實尖長。其種有二。(一)

曰白欖。色青。亦名青果。(一)曰烏欖。色黑。亦名木威子。白欖又有香欖。大白欖。波斯欖等名。皆可生食。其味初嚼微苦。已而香甜。能解諸毒。并治魚鯁。亦可蜜漬、鹽漬、甘草漬。藏以待用。或餽遠人。烏欖煑熟。以線劃為兩段。去核。以鹽置其中。或以豉油漬之。名欖角。肉紅皮黑。質美味香。可作佳蔬。核可當薪。核中仁味甘美。可作禮果。亦可榨油。欖樹聳拔。大數圍。不可梯緣。欲取子。但刻其根寸許。納鹽其中。或以索箍之。一夕子皆自落。木亦無損。節間生脂似桃膠。採和皮葉煎之。調如黑錫。謂之橄欖糖。用泥船隙。牢如膠漆。着水益固。木材堅緻。可大用。或作樑棟舟車器皿。(明董傳策寄橄欖詩)

。波斯薦翠味回甘。嶺樹秋高拂瘴嵐。記得吳都曾有賦。密緘錫甌到江南。

荔枝。常綠喬木。樹高或數丈。葉為羽狀。複葉。花青白色。攢簇成總狀。果實狀圓。大如酒杯。熟則殼丹。有龜甲紋。且起短刺。肉白潤多汁。核橢圓。其類頗衆。四五六七月。俱有熟者。大約端陽節前熟者。味多酸。節後熟者味甘美。總以肉厚核細為佳。亦可曝作乾果。(嶺外代答)曰。邕州唯官莊所產數根絕奇。肉厚味長。當與興化皺玉比云。其木質堅細。可稱良材。別有一種。殼皮淺紅。且有毛。肉黏核。味酸澀者。名毛荔枝。又名山荔枝。不供果品。祇入藥用。(明董傳策荔枝詩) 鐵幹婆娑落子紅。方苞剝出水晶龍。炎荒正惹長卿渴。却噉琼漿半洗空。南風飄落出牆枝。丹渥維囊玉露披。博得風流瘦吟骨。

蘇郎曾寫黑猿詩。

龍眼。亦曰圓眼。又曰桂圓。(雜佩)云。自尉佗獻漢高帝始有名。枝幹花葉。俱似荔枝。惟果實較小。殼青黃。或褐黃色。無刺。肉白核圓。味雖甘美。而風韻遜荔枝。且熟在後。故謂之荔枝奴。乾鮮皆可食。木材堅韌。可作器用。蘇長公曰。閩粵人高荔枝而下龍眼。吾為平之。荔子如食蚺蟪大蟹。斫雪流膏。一瞰可飽。龍眼如食彭越石蟹。嚼嚙久之。

了無所得。然酒闌口爽。饜飽之餘。則啞啄之味。石蟹有時勝蟬螿也。其野生山中。實較小。而夏月熟。色青肉薄味淡者。名山龍眼。亦可食。

扁桃。或曰扁桃。與日本所產扁桃殊。(府志)云。波斯國種也。屬常綠喬木。高數丈。大數圍。葉似桃而闊大。花黃色而細。攢簇成總狀。結實大如鷄卵而扁。熟則自落。以苦棟葉或稻藁藏之。一二日肉成黃液汁。香氣盈室。食肉棄皮核。味甜如蜜。此果未熟時味酸。取其嫩者作蔬。和豆鼓煮之。別有風味。皮作藥品。治小兒疳積最妙。木材堅緻。中繩墨。可勝大任。以之作器。堪比紫檀。誠良材也。

繭果。樹似扁桃。果實則較扁桃大。香味遜之。木材亦不及。然仍可稱南方佳果木。其比較殆猶龍眼之與荔枝也。

人面果。樹高三四丈。果大如梅子。春花秋實。味甘酸。核如人面。兩目鼻口皆具。可蒸熟佐饌。開胃進食。又可鹽漬糖漬甘草漬。核仁特美。取以薦茶甚佳。(杜詩) 薄俗防人面。存生翠裏團囊顏帶醅。箇中甘味夾酸澗。只緣人面看來好。支膝秋風却睡魔。  
(學馬蹄) (董傳策詩) 云。

五眼子。落葉亞喬木樹。高丈許。葉尖圓。子成橢圓形。皮黃味酸。能解硫磺毒。子有五眼故名。以之煮魚作蔬。味酸美。取其樹皮熬膏。治火藥傷。最妙。

水泡果。一名水葡萄。落葉亞喬木。好生水邊。花如絨球。結實圓如荔枝。外皮光滑。而色微黃。中有一核不黏肉。搖之有聲。食皮棄核。味香甜。(董傳策) 詩云。花放金絲香裊林。彈垂鬆穰核拋心。南人不識林檎味。却認池邊水泡侵。

牛甘子。一名餘甘子。梵書名菴摩勒。生山野間。樹高數尺。或丈許。羽狀複葉。形似合歡。朝開暮斂。花黃而小。結實形圓大如彈丸。核有稜。或五或六。生青。熟微黃。初入口畧酸澀。頃之乃甘。亦可鹽漬久藏。以之入藥。主補益。強氣力。久服輕身延年。為未

點湯服。解金石及硫磺毒。

棗。棘類。樹高丈許。葉爲羽狀複葉。花小而色微黃。結實成橢圓形。有紅棗。大白棗。小白棗等名。味頗甘美。蜜漬亦佳。

核桃。一名胡桃。(博物志)謂張騫使西域還。始得其種而植之。樹爲落葉喬木。高二三丈。葉爲羽狀複葉。雌雄異株。花爲淡黃綠色。皆成穗下垂。結實如青桃。熟則棄皮肉。取核而食。其仁味甘潤。能制銅毒。

栗。字作落葉喬木。樹高數丈。葉如箭簇。花青黃色。結實成房。外有制如蝟毛。熟則自

裂。內有栗二三顆不等。栗殼紫黑色。肉即其仁。色微黃。生熟皆可食。味甘甜。木材甚堅。大用小用俱宜。別有一種。實小而尖圓者名錐栗。味與栗略同。

楊桃。一名五稜子。或曰五斂子。因或呼稜爲斂故名。樹爲常青亞喬木。高可二丈餘。葉爲羽狀複葉。花紅紫色。甚繁。雖老幹。亦有時茁花。實形如田家碌碡。有五稜。色青黃。歲兩熟。能解諸藥毒。其味有酸甜脆三種。酸者如酢。可作蔬。甜者如蜜。脆者則不甚。酸甜。而肉脆。均可生啖。亦可鹽漬蜜漬甘草漬。以餽送遠方。葉可治炮碼傷。

交桃。一名番石榴。一名雞矢果。樹高丈許。能耐水旱。葉粗澀。成長橢圓形。花白而多蕊。逐日開。歷半載而不絕。結實似石榴。夏秋時最繁。冬季熟者曰冬桃。皮青黃色。肉有紅白二種。子小而多。全部可食。新摘者味香甜。置之越宿則不佳矣。苗可治水瀉。木材堅韌。惜紋理多紐。難充大用。

枇杷。樹高丈許。葉長圓而端尖。背有毛。冬季開花。夏初實熟。形圓色黃。味甘酸。葉拭去毛。入葯用。

梨。字亦作梨樹高丈許。葉作卵形而端尖。春開白花。實圓而大。秋熟。皮色青。或褐黃色。

有細點。味清甜鬆脆。產南郭者佳。

榴。一名安石榴。(博物志)云。張騫使西域。得塗林安石榴種以歸故名。樹高六七尺。葉為長橢圓形。實為球狀。夏熟。熟則自裂。內多子可食。味甘而微酸。有紅白二種。紅者花赤如火。白者花色白。或粉紅。亦有四季開花結實者。名四季榴。或植於盆。以供玩賞。又有花瓣甚繁而不結實者。名公石榴。

柿。字亦柿作俗柿落葉喬木。葉為卵形而端尖。花單性。小而微黃。有數種。實圓大如拳者名大柿。

。實形畧方者。名方柿。俱熟則皮黃。味甜可食。其實大如小茶杯。形若鷄心。熟則極軟。皮如渥丹者。名鷄心柿。味甚甜美。且無核。熟者俱可曝乾。作柿餅。其未熟時。味俱澀。又有稗柿。熟亦青黑色。可擣取柿漆。塗祇傘或布。以禦雨。及防濕之用。

柚。常綠灌木。高丈餘。葉為長卵形。分兩截。下截甚短。為翼狀。小片。正月開白花四瓣。花葉俱香。結實成圓形。大者徑五六寸。色正黃。氣芬芳。皮厚肉白。頂高者名沙田柚。味極甘脆美。其他或酸或甜。亦有肉色紅者。其外皮以糖煎。或醬油煎。味甚美。若去青切片。租肉類煮食亦妙。木材可製器皿。

枳。柚類。早採者為枳實。皮厚而中堅。晚採者為枳殼。皮薄而中虛。(府志)云。大者為枳殼。小者為枳實是也。俱入葯用。

橙。柚類。花葉果實。俱比柚小。果皮較柚薄。色正黃。氣芳香。味甘甜。能解魚蟹毒。核炒研沖酒服。可治閃挫腰痛。

柑。莖幹花葉。俱似橙。惟實圓而扁。皮較橙薄。光滑易剝。色黃赤。滋味甘美。皮入藥。  
。 (府志)云。有蜜團獅頭金柑數種 (草木狀)云。有黃者頰者。黃者謂之壺柑。大六七寸。  
皮薄而子少者佳。

桔。柑類之實小者。冬熟色紅味酸。其四季開花結實不絕者。名四季桔。人恆植於盆。以  
供玩賞。婚嫁之家。花燭之夜。往往取一盆置燭間。以為吉祥子之兆。

橘。柑類之皮厚而形不甚扁者。有蜜橘繡橘火燄等種。皮黃赤。氣馨香。有美味。然亦有  
酸者。

金橘。橘類之小者。實形長圓。大如拇指。皮色金黃。連皮啖之。味極甘美。 (府志)云。  
漢武帝時。交趾有橘官。秩二百石。主貢御橘。吳黃武中。交趾太守士燮。獻橘十七實同  
一蒂。以為異瑞。

榴果 一名榴夢。橙類之小者。皮黃味酸。以鹽漬。或甘草漬之。味香美。

黃皮果。常綠灌木。樹高八九尺。葉為羽狀複葉。花小而微黃。成總狀。花序花葉俱香。

結實大如龍眼。皮黃瓢白。核扁而色青。味甜。亦有酸者。性能消食順氣。除暑熱。食荔

枝太飽。以黃皮果解之。其甜如蜜者。名甜黃皮。此種葉亦有甜味。為黃皮果中之特色。

其樹之寄生。治疝氣最妙。  
(董傳策嗽黃皮果詩) 碧樹離離金彈垂膏凝甘露  
嚼來奇。木奴秋色珍如許那似香飄。灑者枝。

山黃皮。一名鷄皮果。又名香皮果。因其皮香。而狀似鷄皮故名。常綠灌木。樹高七八尺

。羽狀複葉。葉片尖小。花狀與黃皮花略同。結實大如龍眼核。熟時皮淡黃。有小圓點。

映於內。可啖。去核以糖或甘草製之。味尤香美。人恆購之。以遺遠方。

山檀。字亦  
作查 一名授捻果。常綠灌木。樹葉似梅而枝軟。高可丈餘。枝間有刺。花小而色白

。結實如大龍眼。生青。熟赤紫。皮軟瓢黃。味甘澀。入葯用。善消食積。欲啖食。必先  
授捻令軟。使失去澀味則甘甜。或以甘草製之。味亦佳。

香櫞。一名枸櫞。根幹花葉俱似柚。實大亦如之。色外金黃而內雪白。皮甚厚。瓢極少。

食者以皮爲主。整個切片。生食。味極芬香。以蜜煎之。芬香甜美。可稱佳品。別有一種

名佛手櫞者。結實形如人手。有數指。內無瓢。味尤香美

（董傳策《枸櫞詩》云）斗落南林香滿枝。釀成風致錯尖披。却消一味吳江夢。秋壓

黃橙勝  
柚皮。

樹波羅。一名波羅蜜。屬無花果類。樹高數丈。葉成橢圓形。頗似冬青。而黑潤倍之。冬

日不凋。二月時。新苗之葉。腋間有小波羅茁出。外有韌皮二瓣包之。大如指。形似花苞

。色黃。香氣濃膩。人恆誤以爲花。此小波羅。鮮能長成。其能長成之波羅。皆自枝幹特

出。大者重可二三十斤。外皮起礪砢如佛髻。內多子。排列整齊。子有柔瓢裹核。核大如

棗。食其瓢。香甜勝蜂蜜。核亦可煨或蒸食。味若菱角。性溫熱。宜於脾胃。恣噉無妨也

。木材堅實。可作器用。以作僧道木魚。聲尤响亮。

草波羅。一名地波羅。草本植物。（閩雜誌）謂之黃梨。苗高二三尺。葉尖長。脈縱。邊有

刺。自心抽莖。開肉穗。花結實成橢圓形。大如碗。色紅黃。頂有短葉一簇。內無核。以

刀刪去外皮。切片生食。味香甜。和冰糖作羹。可燕嘉蜜。葉有纖維。質可作布。根治蛇

咬甚驗。

無花果。一名優曇鉢。樹高數尺。葉似楮。最易生長。插條即活。活即結果。果生葉腋間

。不花而實。狀如枇杷。生青熟紫。味甘甜而無核。生熟皆可食。多食不傷人。且有益。

尤宜老人小兒。可曝乾以供籩實。味如柿餅。亦可糖煎密漬。其果自四月至十月不絕。葉

可治痔。

牛奶果。無花果類。葉亦似之。樹高丈餘。果皮黃紅色。大如無花果。形似牛乳故名。又

呼奶頭果。(董傳策奶頭果詩) 流火輝輝樹欲垂。青林披落  
絳囊奇。趁墟擔却娘行瘦好採枝頭哺乳兒。

芒蕉 艸本植物。移種不拘時。然性畏雪。宜沃土。其莖全為葉籜環裹而成。外綠內白。葉自心出。初卷如軸。後漸舒展。大者長可丈餘。闊二尺許。肋居中。脈側出。植約一年。頂抽一巨苞。苞有多數紅籜裹之。狀如菡萏。因重側垂。逐日籜啟花現。其序無限。花色

淡黃。排列如梳。綴籜腋間。籜落實成籜約落至十瓣。人即割去其餘。勿使開盡。以礙

果實肥大。其類頗多。大別為山蕉雞蕉香牙蕉三種。俱屬肉果。生青味澀。不堪入口。熟則皮黃肉軟。味甜而香。山蕉又名牛蕉。樹高丈餘。實大而方。其最者每個重可半斤。或

十二兩。性極寒。食之易發瘡疾。鷄蕉又名觀音蕉。樹高八九尺。實小而香甜。性平。可飼小兒。香牙蕉。又名地芭蕉。樹最矮。實最繁。形圓而長。熟時皮不甚黃。性平。食之

香留齒頰。各種蕉莖。俱富纖維質。可製作縷。以織蕉布。(左太冲吳都賦) 蕉葛升越。弱

於羅紉是也。又芭蕉莎。可為雨衣。(董傳策詠蕉子詩) 蕉子垂垂結陣黃。綠枝風扇迴凝香。生憎膏膩甜於  
於餅。觀音禪性元貞靜。那得猩猩染數層。(又寄曝蕉云) 曝來紺顆  
瘦於腸。石蜜釀膏墨貯香。漫憶秋風半搖落。頰蛆飛出傍江鄉。

九層皮 果樹。高丈餘。葉似小榕葉。實為漿果。九十月熟。形若枇杷。味亦如之。惟皮有

九層故名。木材堅緻。可製器。(府志) 云。羅旺子。廣人呼為九皮果。六月熟。殼長四寸

。如皂角。又如刀豆。色正丹。自外皮剝至見膚。凡九層。內有二三實。味微甘。煨始可食。(董傳策九層皮詩) 栗懼香滋薯懼奇。蒸來皮裡  
裹層皮。饒君露底原無骨。怪得包藏肉太肥。

萬壽果。一名枳椇。樹高數丈。葉圓大如桑柘。夏月開花。枝頭結實。形紐曲如卍字。熟則黃黑色。味甜如蜜。其枝葉亦有甜味。故又名木蜜。善解酒毒。亦止嘔逆。

檳榔。樹爲喬木。子成圓錐狀。大如拇指。頂尖底平。肉白而有赤紋。葉爲縱脈。（韓康伯賤云）檳榔子旣非常。木亦特異。大者三圍。高者九丈。葉叢樹端。房棲葉下。華秀房中。子結房外。其擢穗似黍。其綴實似穀。其皮似桐而厚。其節似竹而概。其內空。其外勁。其屈如伏虹。其申如縋繩。本不大。末不小。上不傾。下不斜。調直亭亭。千百如一步。其林則寥朗。芘其陰則蕭條。可謂盡得其狀矣。能除一切風。下一切氣。通關節。利九竅。補五勞七傷。健脾調中。除煩破癥。療諸瘡。禦瘴癘。婚姻之事。恆以爲聘禮。并以待客。

豆黏。一名逃軍糧。野生山間。樹高二三尺。葉形橢圓。花紅而艷。結實大如指。成圓柱狀。而底微尖。頂平。而有四耳。耳爲花托之遺。七月熟。色紫黑。皮薄。肉軟。而紅。內多子。味甘美。取其根熬膠。染綢類甚宜。根亦入葯。治泄瀉及冷症。

甘蔗。形極似蘆荻。而心實。高可七八尺。其種有蠟蔗竹蔗二類。蠟蔗皮黃或紅。質鬆味甜。宜作果品生啖。竹蔗皮堅。含糖質尤富。專取以榨汁製糖。吾縣南路蒲津鄉下南一帶。所有田畝。十分之八九。改爲蔗畝。所產糖額。動以萬計。其糖之種類。有黃糖白糖冰糖等。黃糖由蔗汁煮成。質有沙糖黏糖之別。形有礮糖片糖之異。白糖一名糖霜。或曰鹽糖。由黃糖製成。色白如霜。形頗似鹽。冰糖由白糖提去雜質。熬煎成冰。堅明如礬石。味最清甜。蔗渣可製紙。可當薪。糖皮燒炭研末。可治小兒口疳。

荸薺。粵人呼爲馬蹄。俗因之。

一名鳧茨。一名烏芋。植水出中。苗似葱而長大。地下莖成球形。大如

酒杯。皮紫黑。肉白。生食。味極清甜爽脆。佳者無渣滓。煑熟仍脆。能療五種隔氣。消宿食。除胸中實熱。治誤吞銅物。以之作粉食。厚人腸胃。并解金石毒。

葡萄。藤本蔓生。葉掌狀。花成穗結子。圓如珠。有青紫水晶二種。味酸甜。可生食。可曝乾。可釀酒。又有山葡萄。（府志）謂其蔓即木通。

西瓜。蔓地生。葉有缺刻。瓜圓如球。大者重可十斤。皮深綠色。瓢紅子黑。亦有瓜形橢圓。瓢黃子紅。瓢紅子紅者。二者味俱美。剖食其瓢。清甜爽利。涼沁心脾。最解暑熱。

子曝乾食其仁。味甚甘美。俗恆以爲待客之品。或有白瓢者。然品斯下矣。

香瓜。形似黃瓜。而肥短。有黃綠二色。熟則香甜軟細。宜生食。其蒂入藥。

綾。浮生水面。葉圓而厚。色深綠。甚光澤。實結水中。兩角曰菱。三角四角曰芰。俗呼爲菱角。剝殼生食。味甘微澀。熟食味鬆甜。能解丹石毒及酒毒。

芡實。即鷄頭菱。先實後花。夜開晝合。北燕謂之蓂。入藥品用。以下府志

菩提子。狀如北地沙果。皮味香甜。

木柰子。多生山中。實亦可食。

石栗子。皮厚色黑肉白。

破肚子。似橄欖。而皮紅。

臘皮子。似龍眼。而子多。

糍米子。生於田中。

金斗子。一名金紐子。產於山中。以上府志

紅鹽草果。邕州取新生艸果。入梅汁。鹽漬。令色紅。曝乾薦酒。芬味甚高。世珍之。艸

豆蔻。始結實。如小舌。即擷取紅鹽乾之。名鸚哥舌。尤為難得。一廬山茶罐可貯五百枚。嶺外代答

秋風子。色狀俱似棟子。味酸澀。虞衡志

(二) 竹之屬

慈浮竹。竿甚大。將剖開。一俯一仰。可代陶瓦。以下府志

油梧竹。長三四丈。可作屋柱。

憲筲竹。(廣韻云)一枝百葉。有毒。如(董嶺表錄異云)薄而空多。大者徑不逾二寸。皮利可為刀。

釣綠竹。身矮小。高僅丈許。可織筐器。(虞衡志云)類蕩竿。枝柔弱。臨風如細柳。

思摩竹。(南方草木狀)云。大如竹。而筍生其節。筍既成。竹節間復生筍焉。

郎當竹。竿大節疎。可為篾用。

鳳尾竹。纖葉翠枝。可供清玩。

馬蹄竹。葉大二指許。節有鬚。質堅實。

紫竹。竿小皮紫。府志枝葉不繁密。根蘖入地不深。可作筆管扇柄。及菸桿。其根治癩狗咬甚驗。

桃竹。修疏纖葉。青肌薄皮。唐杜甫有桃竹杖歌。

梭竹。葉們梭櫚。其身似竹。惟中心堅且實。可作器用。又名桃竹。今人多植於盆。以供清玩。

刺竹。一名勒竹。節間多枝。枝上有刺。叢條參差。展轉如織。雖野火焚燒。只庵細枝嫩

葉。至春復生。牢密如故。鄉人恆植以衛村。或以樊圃。唐宣宗時。王式爲安南都護。或樹笏竹爲柵。深塹其外。寇不能入。黃守新州無城

。以此竹植之。羔豚不能入。（竹譜）云一名笏竹。筭性落人鬢髮。

箭竹。節密肉厚。（禹貢）云。細者爲篠。

蕩竹。葉大且密。畧似蘆葦。

筍竹。葉細節疏。可爲篾以織器。

簞竹。節長而大。肉薄而柔不甚堅。（南越志）博羅東倉州有簞竹銘曰。簞竹既大。薄且空中。節長一丈。其直如松。

𦵏竹。有刺。竿堅實。亦可爲屋柱。

苦竹。節疏體勁。可作槍戟之柄。

實竹。竿小心實。可作筆管。

標竹。又名篙竹。節堅性直。船戶恆以爲撐篙。兵家常以作旗桿。

瓦竹。可爲椽。

蘆竹。易生而不堅實。以上府志

箬竹。葉長尺許。大如掌。船戶恆以篾編其葉作蓬。民間用以裹角黍。或作笠帽。

筋竹。粵璞作斤竹。竿小質堅。其筍春生。尖如指。作蔬甚美。

甜竹。竿大而不堅。葉長而潤。笋味甜美。作蔬甚佳。

西湖竹。或呼爲金鑲玉。其種乃縣紳韋若泉。自粵東廣雅書院寄回。據云山長朱一新。由

西湖移來故名。竿色黃而兼綠。故又名黃帶綠竹。

淡竹。竿直而細。節稀而平。質柔韌。皮色青。宜於作篾以製器。

觀音竹。竿小。枝柔葉密而細。高不逾丈。以上竹類。俱可製紙。可爲篾。以織筐筥等

器。及編織繫舟之纜。

(三) 木之屬

桂。(爾雅)(說文)俱謂之**榿**。(虞衡志)云。南方奇木。上藥也。向產於邊境。及徭山中。

吾邕於前清末季。始有植者。屬常綠亞喬木。葉似柿葉。爲長橢圓形。而深青。光滑。質硬氣香。其脈如圭形。故(埤雅)云。桂猶圭也。宜斜坡沃土。可叢植成林。計植五六年。即可採葉甞油。越十餘年。可以伐木。剝取桂皮。以供藥用。其類至繁。非專書不能詳述。世所謂牡桂、菌桂、卷筒桂、板桂、玉桂、清花桂等。不過就其生產之地。及其樹之老嫩。皮之大小。形之厚薄卷舒。油質之優劣而異名耳。其氣味功效。大約年老味甜者性純。新枝味辣者性燥。就其色水而論。綠水較勝於茶色。其色彷彿茱萸。而實亦可食。氣味香甜如桂焉。總之桂以野生且年老者爲上品。然野山中。有一種木狀似桂。而無香味者。亦名山桂。實非桂也。土人恆伐其木以爲廬。

松。常綠喬木。幹聳直。皮粗厚。花單性。果球形。葉如針。其幹多脂者名油松。脂少者名白松。伐其幹生理土中。或沈水底。難歷千年不朽。是以建橋梁者。恆釘松樁於土。以固橋基。堅固異常。若置諸地面。財易生白蟻。故其材雖中棟梁之選。而建屋則鮮用之。惟縣屬柴薪。多取於此。其葉有三鬣或五鬣。其根下或生茯苓。其枝或有寄生。其脂名松香。入土能化爲琥珀。

柏。榿也。有脂而香。與松同壽而異形。葉扁而側生。質堅而文斜。幹能參天。性好西指。蓋陰木而有貞德者。取其老幹焚之。氣香如檀。(府志)載有圓柏、扁柏、刺柏、三種。圓柏即檜。或謂之栝。柏葉而松身。刺柏即樅。松葉而柏身也。

樟。一名樟豫。常綠喬木。幹高七八丈。大十餘圍。葉卵形。有脈葉三條。質硬有光。花小而淡黃。實大如豌豆。黑色。木材聳直。肌理細密。其種類有香樟、猴樟、之別。香樟氣味甚強。莖幹枝葉。木屑俱可煑製樟腦。猴樟氣味薄弱。不適煑腦。然其木材。俱堪大用。食其葉之虫。名大蠶。取其腹中液以製絲。名天蠶絲。價頗昂貴。

柎。字亦作楠

常綠喬木。高十餘丈。葉爲長橢圓形。花色淡綠。實紫黑。木材堅緻芳香。以爲棟樑器具皆佳。（府志）載有細葉大葉金釵香紫黃柎臭糞諸種。然大別之。色紫者堅。可號良材。色白者脆。亦勝凡木。惟厚皮楠。以充柴薪。

榕。連理木也。最易生長。插枝即活。高十餘丈。大數十圍。枝幹橫生。根下垂入地。根復成幹。根幹相生。或至數十樹。連成一系。故其蔭極廣。壽極長。其地下根伏行極遠。吾邕村邊路旁。及社壇多植之。取其容也。其類有大葉小葉二種。小葉榕。葉小如含笑花。葉色深青而光厚。新陳代謝。四時不凋。可作藥用。其液如乳。堪作膠。其實圓而紫。大葉榕。葉大如玉蘭花。葉色深綠而厚。春初舊葉脫落。新芽即茁。狀如鴉嘴。俗名老鴉酸。小兒有取而食之者。其實圓而黃。俱無花而實。木材拳屈。不堪作棟。祇供燃料。

槐。樹高一二丈。葉爲羽狀複葉。嫩時可食。其花未開時。狀如米粒。可入藥。亦可作黃色染料。開時如小蝶。形色黃白。實爲長莢。狀如連珠。中有黑子名槐角。入藥。以子連多者爲佳。木材可作各種器具。別有一種葉較細。花非蝶形。而紅色者。名洋槐。自清之季年。始有植者。樹身潔淨。緣陰清涼。性喜却暑。木材亦佳。

合歡。樹狀似槐。惟葉則朝開暮合。花多雄蕊。實成莢而仁甚扁。木材亦與槐同。椿。落葉喬木。高三四丈。聳直少枝。葉爲羽狀。複葉。嫩時色紅香甘可食。且能消風祛

毒。木材堅實。堪作棟梁。亦可製器。其氣臭者名樗皮。莢入藥。木材亦可作器。

楓。本厚葉弱。善搖。落葉喬木也。葉掌狀。三裂。有細鋸齒。經霜而赤。俗於清明上巳節。採其葉擣汁。染糯。使變黑色以炊飯。謂之烏飯。春開花黃褐色。叢集爲球狀。果亦成球形。木材堅實。可作器具。又有楓香樹。（南<sub>h</sub>草木狀）云。樹似白楊。葉圓而岐分。有脂而香。其子大如鴨卵。二月華發乃著實。八九月熟。曝乾可燒。

梓。樹高二丈餘。葉掌狀淺裂。夏開脣形。花淡黃。微紫色。實長尺許。畧似紅豆而黏。木材堅緻。作室以爲梁。人甚貴之。

桑。有荊桑、廣桑、浙桑各種。荊桑廣桑。葉薄而小。然茁芽早。而落葉遲。浙桑葉厚而大。然茁芽遲。而落葉早。均可飼蠶。其實名椹。堪入藥。其寄生亦入藥用。又（府志）云。細桑而根有茨者謂之茨桑。木性堅實。

漆。樹高二三丈。葉爲羽狀複葉。花小色黃。實扁圓平滑。木心黃皮白。內有黏液。以竹筒插入使流出。即漆汁。可以髹物。色黑。而光澤可愛。且能避濕。

柳。字亦作檉落葉亞喬木。高二三丈。枝條長軟而下垂。葉片狹長而青綠。有花無絮。木質鬆脆。易長難壽。其枝葉及根白皮。俱入藥用。別有一種。高可丈許。葉細如絲。青綠尤可愛者。名垂絲柳。（爾雅）云。旄澤柳。（郝疏）旄象毛髮下垂。即今之垂絲柳。東齊人或謂之麻柳。

杉。一名沙木。（爾雅）謂之黏。徐鉉作榦。段氏說文注作黏。常綠喬木。幹聳直。高可十餘丈。大者徑尺。葉附枝生。百扁短。微硬若刺。花單性。雄花亦出黃粉。結實成球。果大如指。木材堅勁耐水。不生白蟻。爲用極廣。吾邕屋宇梁棟。及板木器具。多取材於此。

。縣屬伶俐鄉。為來源之地。其皮治跌打骨折金瘡血出。及湯火傷灼等。屢有效。

穀。即穀沙。一名楮。樹高一丈餘。葉類桑而有毛。花單性。雌雄異株。實如楊梅。蜜漬

可食。亦可入葯。葉可裹稷造醬。皮富纖維。質可作布。尤宜造紙。其紙名沙紙。又名綿紙。每年由吾邕運往香港轉消者。價值約數百萬元。其木腐後發生菌耳。味甚可口。

木棉。(府志)以為吉貝。謂即斑枝花。落葉喬木。樹高數丈。壽逾百年。榦圍十尺。葉五

出成掌狀。花四瓣而厚。色有深紅金黃二種。仲春盛開。艷賽山茶。瓜大如杯而尖長。老則自裂。其種子有多數白色絨毛附之。如草綿然。即絮也。其綿雖不及草綿之溫。而毛長

。質美色光。且彈性甚強。以作薦褥。鬆軟宜人。紡而織布。似合衛生。但當地人未有取

者。此樹極易生。取其枝插土中。不須灌溉。不須保護。自然繁殖。樹皮粗韌。富纖維。

可作刷帚。木材不適作棟。而可作棺。苟先浸水年餘而後用。則堅韌異常云。按吉貝亦稱木

棉有別。但府志雖二種並登。然皆同樣敘述。並無分別。宜當考証。

為柏。一名鴉白。俗名木油果。樹高二丈許。腎形而端尖。可染皂。夏開黃白色小花。結

實初青後黑。分為三瓣。收以製油。可為肥皂及蠟燭之原料。以之燃燈尤明。根皮入藥療

頭風。通大小便。解蛇毒。

苦棟。一名花心木。樹有雌雄兩種。高三四丈。葉為羽狀複葉。春月開花。色淡紫。氣頗

香。雌者結實。形如彈丸。熟則黃。名曰金鈴子。味苦。入藥治溫疾傷寒大熱煩狂三蟲

疥瘍疔痔等證。木材生長甚速。植三五年。即可作椽。大者可為板。及作各種器具。枝葉

煎汁。可除植物之害蟲。樹皮亦可為染料。

苦珠子。即無患字亦作穗子。或名菩提子。樹高丈許。葉為羽狀複葉。花細而微白。實圓而深黃

。味極苦。中有一核圓如珠。堅如石。黑如漆。釋家往往取爲念珠。核中仁色白。燒之辟邪惡氣。煨食去口臭。冲米湯食。治夾陰症。果皮善去垢穢。以之洗頭澣衣。清涼解毒。有益衛生。遠勝洋梔。其材可製器具。（崔豹古今注）云。其木用爲棒器。以壓百鬼。故號曰無患。

萬年青。常綠灌木。高數尺。葉爲羽狀複葉。色深青而形橢圓。夏秋開白花。氣頗芬芳。木材堅實。根入藥。治鉄打。人恆植以樊圃。

狗屎木。樹屈曲而皮厚。葉似小榕葉。花紅或白。雌雄異株。結實圓大如衣扣。熟則鮮紅。木皮善治痧症。以之熬膠。可治一切瘡疥。

烏藥。樹畧似茶。高丈餘。一葉三椹。面青陰白。根狀似山芍藥。橫生。色黑褐。作車轂紋。入藥功效勝天台產者。惟直根不堪用。

吳茱萸。俗名茶辣。樹高丈餘。皮青綠色。枝柔而肥。葉長而皺。花紅紫色。結實累累成簇。緊小而無核。氣甚烈。入藥主治溫中下氣。止痛除濕。

五加。樹高四五尺。有刺。葉爲掌狀複葉。一柄五片。花色黃綠而小。實似豆而扁。皮輕脆芳香。以浸酒飲。治四肢孿急。

金櫻子。樹似薔薇有刺。花白。結實大如指狀。若石榴。面有刺。而色黃赤。入藥可補血益精。

椶櫚。常綠喬木。高二三丈。無旁枝。葉爲掌狀而分裂。脈縱而柄長。叢生樹端。葉之根部。有褐色毛皮。重疊裹之。每皮一匝。即爲一節。其毛皮曰椶。每二旬可採一次。以製衣履茵褥繩索帚掃箱篋等。其爲利甚溥。倘留其毛皮不採。樹亦不長。三月間。由樹端出

苞。苞中別有細子。即花之孕也。狀如魚腹孕子。謂之鱖魚。亦曰稷筍。開時色黃白。結實累累大如豆。生黃熟黑。木材亦可作器物。毛皮入藥治血症。

桃榔。一作桃稜

稷欄科植物。高數丈。大者圍數尺。葉爲羽狀複葉。花小色綠。子如青珠。幹如圓柱。中空多粉。可爲餅餌餽糊等食品。或名爲桃榔麩。（楊雄賦）麩有桃榔即此。木材

質堅色黑。有文理。可作器具。或平分剖之。以刻楹聯。亦甚古雅。

（明董傳策桃榔行）吾聞南中之產殊不俗。乍來此處看桃

榔。孤根崛起大於抱。挺然中立摩天光。瘦如削壁不枝蔓。勁如精鐵突踉蹌。皎如玉樹搖銀海。青如琅玕千尺強。盤節蕭疎散角葉。清風吹作虬龍翔。厥包綜密木惟喬。厥實纍纍森相望。掀髯夾莖攀其實。桃榔子赤如珊瑚。本草謂之馬板榔。食之解瘴氣。珊瑚錯落瀉石梁。餐之坐令瘴烟消。仙人赤脚神飛揚。厥綜縛之韌不裂。綜韌可作綆。廣人以縛巨舶。巨川行邁濟舟航。厥木采之刮弩幹。舍矢如破成穿楊。仰披廣廈承雨露。作著借之堪籌王。約之稜尺燦鎮紙。卓然不倚稱端方。柄之戈矛激流電。斲之柱杖藉扶匡。矯矯蒼藤鞭巨石。飛星走兔紛裂裳。木堅可碎石。異哉骨鯁振風概。斗爾難攀。木形壁立。採者每緣竹而上直以剛。高標炎海秋復春。梓人材之罕不臧。況乃澹然無染破脂韋。黃中通理有文章。其華不露其中虛。獨行雖峻無他腸。復有蒼茫微妙不飢藥。中有黃粉可作飯。噉之不飢。黃精之飯勝膏梁。曝日蒸之甘且馥。令人顏色美好壽而康。吁嗟此物阿爲者。風流曾惱蘇大郎。東坡嘗以桃榔杖。寄文潛析簡曳杖誰禁當。我來坐笑桃榔旁。翛然擊節抽扶桑。手摩蒼壁睨天柱。張放歌無乃瘦而狂。翻令柔曼失傾意。嗟爾桃榔生慨慷。嗟爾桃榔生慨慷。

蒲葵。亦稷欄科植物。樹高一二丈。葉圓而大。以之製扇。行銷極廣。亦可作蓑衣雨帽等。其花成穗。子形若蓮子。而皮綠。木材爲用甚衆。近人植於盆。夏日置廳側。以供玩賞。且能却暑。

銀木。一名樹藍。幹高一二丈。葉似枇杷葉而光滑。無茸毛。可作藍色染料。木材堅緻。堪作棟梁。并供雕鏤書板圖章之用。

杠木。高數丈。大者徑二三尺。葉爲羽狀複葉。頗似槐花。爲小蝶形。莢如豌豆。而極扁薄。木材可作器用。

鐵力木。一名石鹽。一名鐵稜。常綠喬木。幹聳直。葉狹長而厚。且有光澤。花白而香。

木理堅緻。作黑褐色。製器具甚佳。吾邕古廟古屋。往往以之爲棟梁椽子。今則砍伐殆盡。或云。城南凌鉄村。以產此得名。

櫨木。樹高數丈。聳直參天。大者徑三四尺。葉畧似槐。花畧似蝶莢。長尺許。子大如鑽。木材堅實異常。其色紅紫。能勝高樓大厦棟梁之任。以作椅桌器具甚佳。吾邕二百年前。屋宇無論大小。其材幾全屬此種。父老相傳云。城北里許望仙坡。舊日亦櫨木山也。今縣屬深山中。猶有生存者。然亦僅矣。

枹木。疑即櫨木。材似櫨。而色澤金黃。質尤堅緻。往往於古屋舊棟中得之。其質有金絲者。名金絲枹。製器尤佳。

黃連木。(府志)云。最能經久。即(嶠南瑣記謂勝鐵力者是)。

梧桐。樹高二丈許。葉大如掌。花小而黃。果爲萼莢。熟則裂開。似葉而形曲如箕。謂之橐鄂。種子生於邊緣。可食。材可製琴。亦可製器。皮葉堪入藥。又青桐。(府志)云。性輕易長。葉性涼可食。名青桐菜。又一種葉苦者不宜食。

刺桐。一名海桐。又名頰桐。樹高丈許。葉似梧桐。花附幹生。側敷似掌。形若金鳳。色赤如丹。枝幹有刺。木材不中選。皮入藥。主去風殺蟲。能行經絡。達病所。

油桐。有三種。俱高丈餘。一曰圓桐。又名滑桐。葉圓缺淺。果圓皮滑。果有四室。油質清潔。植之收效頗速。惟果實稀少。樹亦不壽。一曰皺桐。又名三角桐。我曰千年桐。葉掌狀而缺淺。果皮皺而三室。油質畧濁。性尤黏結。果較遲。然果多樹壽。故有千年之名。一曰食桐。葉畧似皺桐。而底有茸毛。色尤深綠。果實扁圓。其油榨後。經煉亦可供食。

用。以上三種桐。實中仁均大如指。含油量甚富。質亦甚佳。煑爲明油。可代漆用。其葉燒灰。可製規油。又有一種野生油桐。性易長。插枝即活。果實橢圓而小。仁亦可榨油。

惟質不甚佳。故人祇取其樹樊圍。而不採其實也。

九皮樹。原屬喬木。皮有九層。富纖微。質層層剝而製之。可當絡麻。充作繩織布之用。惟植者志在取皮。故年年伐之。勿令高也。

楠膠木。高數丈。葉似大榕葉。皮粗厚。富有黏性。可剝而製膠。爲造線香之用。葉可製香粉。木材或爲柱。或作槍柄。

水官子。樹高七八尺。葉似桂。氣味亦彷彿似之。花白。實大如黃豆而圓。其葉可製酒餅。荊。落葉灌木。枝柔葉小。花細而繁。色正紫。結實如小珠。（府志引裴淵廣州記）云。荊

有三種。金荊可作枕。紫荊可作牀。白荊可作履。與他處牡荊蔓荊全異。又據（草木狀）云。有杜荊。指病自愈。節不相當者。月暈時刻之。與病人身等。置床下。雖危困亦愈。

到鱗木。（府志）云。性堅經久。雖入土不易朽。又名龍鱗木。陳藏器（本艸拾遺）謂之鱗木云。生江南深山大樹。樹有數種。取葉厚大白花者入葯。李時珍曰。此木最硬。梓人謂之鱗筋木。汁可染絳。葉可釀酒。

線木。（錄異）云。樹枝葉並蕃茂。與棗檳榔等樹小異。然葉下有鬚如馬尾。廣人採之以織巾。子尤宜鹹水浸漬。即粗脹而韌。舟子以之縛船。可不用釘。府志

漏菜樹。其葉初出。嫩小者紫紅色。採之炒爲茶。品香甜。府志

栗木。性堅。俗名櫟木。府志

禾木。俗採爲屋。府志

茶。葉可作飲料。都茗山產者佳。

大風樹。高丈餘。葉似大榕葉而薄微黏。花小而色紫。結實大如菉豆。採其葉。可甑艾粉。八角茴香。落葉喬木。幹高數丈。樹皮黑綠色。葉長約二寸。為長橢圓形。端尖。每年開花三次。落葉二次。春秋冬三季。均見開花結實。春冬二季。俱有落葉萌芽。其花初為黑色。後漸成白色。果為八角形。樹之全體。均含香質。果葉與嫩枝。均可製油。為吾省出口之特產。其值甚昂。且揮發性極大。可供化學工業之原料。此樹自植山後。越三年可採葉。迨七年已結果。誠森林中獲利最厚之植物也。現縣內林場。多有植者。

#### (四) 花之屬

桂花。樹高丈許。四時常青。花四瓣而小。色丹者名丹桂。色黃者名金桂。俱八月開。色白而微黃者名銀桂。又名木樨。四時常開。氣俱芬芳。惟其皮則與藥品之桂異。

蘭。常綠多年生艸。葉長細而尖。有平行脈。其類頗多。有建蘭、火蘭、艸蘭、墨蘭、桂蘭、觀音、紫梗、素心、楊妃、鋪地、報春、喜字等種。又有蕙者。亦蘭類也。黃山谷云。一幹一花而香有餘者曰蘭。一幹數花而香不足者曰蕙。吾邕雖蕙。亦以蘭名之。

魚子蘭。莖高尺許。有節。葉潤約八分。形橢圓而端尖。脈為網狀。花黃色。小如魚子。叢附於枝梗上。開時氣極清香。其花色白色。則名白珠蘭。

樹蘭。常青灌木。高八九尺。葉似柳葉而短。惟厚闊過之。花亦如魚子成穗。色黃。氣甚清香。人取以窰茶葉。或菸絲。氣味勝茉莉。

玉蘭。樹高丈餘。葉似大榕葉而薄。花自葉腋生。尖長如指。色白而香。夏秋兩季。每晨開放甚多。然越宿則落。間或結實。形如雅嘴。

菊。草本植物。而不畏寒霜。每歲春初。由宿根生芽。二月分種。九月開花。亦有以人工培植。使之二三月開花者。其類有飽菊、蟹爪、獅子頭、紫牡丹、鵝毛筒、天星菊等種。其色有黃、有白、有紫。其瓣中紫而邊白者曰銀邊。底黃而面紫者曰金盤瑪瑙。其花形圓而小者曰天星菊。

萬壽菊。葉畧似益母艸。花瓣扁而色黃。植不拘時。花可常放。凡值喜慶事。婦人頗好用之。以其名美也。

洋菊。葉畧似菊而薄。且無缺刻。花瓣扁而蕊多。色有紅有白。亦四時可植。

芍藥。苗高三尺。葉爲複葉。一柄二片。花有赤白朱紫各色。瓣有卷舒單複各種。植宜插枝。開不拘時。

茉莉。莖弱枝繁。高可逾尺。葉橢圓而厚。花色白而香。重瓣無蕊。北土謂之柰（晉書）都人簪柰花卽此。其單瓣者名素馨。與茉莉同種。而香氣一也。以之窰茶葉。氣味甚佳。又有番茉莉。花瓣大如梔子。近心黃色。香氣烈而不幽。

海棠。多植於盆。葉作長卵形。端尖有鋸齒。春日開花。花色深紅。緊着枝上者。名貼梗海棠。花淡紅而小。柄綠如絲下垂者。名垂絲海棠。花皆重瓣。其柄赤花紅瓣單者。名西府海棠。又有秋海棠。枝弱花黃。秋日盛開。臨風嫵娜。別有丰神。其四時皆花。色黃而團簇如綉球者。名曰地海棠。

夾竹桃。高可丈許。葉似竹而厚。花如桃而大。微香。夏秋時花多而艷。惟不結實。又鳳仙亦名夾竹桃。與此異。

玫瑰。有紅白二種。莖高一二尺多刺。葉爲羽狀複葉。葉片作橢圓形。邊有鋸齒。春季開

花。瓣甚多。香濃色艷。可製香水。蒸香露。浸酒和糖。又有一種名月季。一名月月紅。或謂之麗春。形狀全似玫瑰。惟香氣不及。且莖略高。花有深紅淺紅淡紅等色。更有形同玫瑰。而生於園旁池畔者。名曰薔薇。春開紅花。甚燦爛。惜有色無香。故不爲時人所重。祇可樊圃而已。

佛桑。一名木槿。樹高五六尺。葉似桑而小。邊有鋸齒。質甚光厚。花形如蜀葵。藥一而甚長。瓣或單或複。色有紅黃白紫藍各種。紅者曰朱槿。又名裏梅。或名九頭紅。可染梅薑。白者曰白桑。或曰舜英。可作蔬。其餘各色。統名木槿。其花俱自二月開。至於仲冬乃歇。且每晨開放甚多。

木芙蓉。一名木蓮。樹高可一丈。葉爲掌狀。有茸毛。秋時開花。瓣甚多。亦有單瓣者。色或紅或白。又有一日二變者。早白午淺紅暮深紅。謂之三醉。其花葉入藥。治瘡疥甚驗。鷹爪蘭。樹高六七尺。枝葉甚繁。葉爲橢圓形。端尖。花白葉腋生。有柄無被。形如鷹爪。熟爲青黃色。香氣甚濃。又有野生園側者。花雖大而無香。

茶花。多植於盆。幹高二尺許。葉似茗而厚。秋季結苞。來春始花。瓣多而艷。有紅白二種。不結實。鮮香氣。

向日葵。莖高數尺。葉爲掌狀。有茸毛。花開於頂。形大如碟。瓣少蕊多。有紅黃白三種。俱向日傾心。子仁可食。

蜀葵。一名戎葵。俗呼一丈紅。葉狀似葵。花若佛桑。生葉腋間。瓣有單複兩種。色有深紅淺紅紫黑白各種。自仲春至秋末。逐日開放不絕。昔人謂其疎莖密葉。綠萼艷花。金粉檀心者。頗善狀之。

千葉榴。花狀與結實之榴相似。惟花瓣多而不實。色有深紅粉紅二種。自春徂秋。三時皆

花。不獨五月榴花照眼明也。

梔子。樹高數尺。葉橢圓。端尖。頗厚硬。夏時開花。瓣白蕊黃。氣甚芬芳。隨即結實。狀若欖子而有稜。子仁微紅。可作黃色染料。亦堪入葯。又有山梔子。花單瓣。實七稜。入藥主開胃脘。

狗牙花。一名賽雪花。葉彷彿梔子而小。惟白色遇之。香不及焉。且不結實。以其苞排列若狗芽。故名。

萱。字亦作  
諼菱一名忘憂。又稱官男。葉似蘭而柔狹。新舊相代。四時常青。五月抽莖。開深黃或淺黃色花。朝放暮萎。至九月乃盡。可作蔬。曝乾名金針菜。

玉簪。一名白鶴仙。苗高尺許。葉圓而尖。有長柄。六七月抽莖開花。其花含苞未放。纖長潔白。儼似白玉簪。開時微綻。中吐黃蕊。氣頗清香。根入藥。能解毒。葉治蛇虺螫傷。射干。一名鳳翼。或謂之仙人掌。苗高尺許。葉環莖生。尖長而脈縱。側出若髮。故又名烏髮。六月抽高莖開花。狀若蝶翅。色紅黃而有朱點。頗美觀。根入藥。治喉痺咽痛。亦通女人月閉。

水指甲。一名鳳仙。又名金鳳花。或請之夾竹桃。莖高尺許。極肥潤。多水質。葉尖似桃柳。邊有鋸齒。花有單瓣複瓣二種。色有紅白紫雜。各種。實如小毛桃而尖。熟則自裂。以散播其種子。故名急性子。入藥用。治產難催生。小兒痞積。又有莖紅如朱者。名珊瑚枝。木指甲。樹高八九尺。葉橢圓而細厚。夏秋時開花。狀若木樨。而瓣薄蕊多。色有紅白二種。氣頗香。其葉搗汁。染指甲。則紅如渥丹。故名。

美人蕉。狀似芭蕉而小。高可二三尺。自心抽莖開花。花序無限。色有紅赤黃雜各種。頗艷麗。實作圓形。皮如毛荔枝。中有種子數顆。圓小堅黑。其花葉較尖小者。名觀音花。

均四時開花不絕。誠苑囿中之點綴品也。

蠟梅。樹高丈許。葉似大榕葉而粗澀。冬季開花。色黃如蠟。香氣濃膩。

夜合。高二三尺。葉似鷹爪蘭葉。花自葉腋生。萼綠瓣白。質皎潔。氣清香。惜香氣僅於初綻時有之。他無聞也。其花至暮即合。故名。

含笑。高可四五尺。葉似山茶葉。花苞有茸毛。瓣微黃。開僅微綻。如含笑然。氣極濃馥。繡球。高約二尺。葉潤寸許。形橢圓。端尖而厚硬。花四瓣色赤。叢聚如球。又有洋綉球。葉大如掌。質柔薄。花朵較大且繁。色白。微帶粉紅。別有蔓延牆壁。葉小如榕。花小如茱萸。瓣白心紅者。名玉綉球。

鷄冠。有數種。葉俱長。橢圓形。端尖銳。花皆着於頂。一高不及尺。莖上端甚扁。花之壯者濶可達尺餘。一高可二尺餘。莖上端不扁。花之壯者圓大若碗。花冠俱若極短之絨毛。附肉質托上。不成瓣。多摺疊形。如雞冠。一高數尺。花冠若垂絲柳然。叢聚如帚。此種又名鳳尾雞冠花。俱耐久。色皆有紅紫黃白雜各種。

蓮花。有紅白二色。狀有千層重疊竝頭五腦各種。五腦者。一萼而中分五朵也。又有雞頭蓮花。似蓮而小。其實即芡也。

紫藤。蔓生。葉為羽狀複葉。夏季開花成穗。紅紫色。甚燦爛。

凌霄。亦藤本複葉。花紅而艷。

杜鵑花。莖高二三尺。葉橢圓。原生山間。人以其花極繁盛。移植盆中。以供玩賞。孟春時。開花五瓣。色紅而艷。俗謂之映山紅。

翦春羅。苗高數寸。葉柔狹。長寸許。花大如指。紅白相雜。如碎錦然。故名。胭脂花。高二尺許。葉大如指。形橢圓。花四瓣。色紅。可製胭脂。故名。

五鳳花。疑卽朱槿花之變形。或呼爲吊鐘花。樹高七八尺。葉似佛桑花。紅色。五瓣。有缺刻。開時必垂。瓣俱彎曲向上。形如五鳳齊飛。有長蕊一。懸出如墜。四時花放不絕。錦蓬松。或呼爲龍游艸。蔓生。葉短而尖細如松針。花成筒狀。色甚鮮紅。植於花院竹籬。足供玩賞。

六合梅。樹高五六尺。花開數十重。如綉球。而色淺紅。以下府志

棠棣花。似六合梅而差小。結實。謂之郁李。

瑞香花。似丁香。開於新正。故以爲瑞。

紫薇。俗名百日紅。又名魚腮花。

長春花。黃色。四時常開。

山丹。細葉生於莖間。一莖三四花。花似萱差小。而色紅。瓣則堅厚於萱。

簷蔔花。似梔子而重臺。

滴滴金。花色黃如金。故名。

金錢花。花開圓如錢而色紅。至夜則落。俗又呼爲夜金錢

以上府志

山茶。(虞衡志)云。南山茶葩。萼大倍中州者。色微淡。葉柔薄有毛。結實如梨。中有

數子。如肥皂子。又別有一種如中州所產者。冬杪春初皆放。府志按縣中現有之茶花。皆

植於盆。葉似茗。光厚無毛。邊有鋸齒。花瓣圓。而多不結實。色有深紅粉紅雪白三種。

均冬末春初開放。

鐵樹。高二三尺。幹葉皆紫黑色。質理細厚。開花四瓣。紫白色。如瑞香。較小而圓。數

月不凋。嗅之有草氣。

按相傳此樹遇丁卯年始開花。故俗相傳鐵樹開花。喻事難俟也。

邕寧縣志卷十九終